

lis sic positus contra voluntatem Regis est, ac si contra voluntatem Pontificis poneretur, neq; potest interdicare ipsis Religiosis, vsum ipsorum priuilegiorum suorum, imo talis incidit in pœnas positas contra illos qui con-
 9 traueniunt. ¶ Tertio non solum omnia hæc nus concessa confirmat et innouat, sed etiam de nouo concedit, et vult habere perpetuam firmitatem, et sic videtur nunc concedere quæ per Gregorium. 9. et Nicolaum. 4. Leonem. 10. Adrianum. 6. Clementem. 7. Paulum. 3. sunt data Religiosis qui Infidelium conuersione
 10 dant operam. ¶ Quarto vult Pontifex et concedit, q̄ omnia et singula priuilegia fauores et indulta quomodolibet concessa Religiosis intelligi et interpretari debeant in partem fauorabiliorem, et tollit ab omnibus cuiuscunq; sint dignitatis auctoritatem iudicandi vel interpretandi secus, et siquid fuerit attentatum irritum et inane dicit. Quæ concessio est valde consideranda, quia cum priuilegia sint leges priuatę, et vt plurimum contra leges communes: et id quod est contra ius cõmune habeatur velut odiosum, et sic restringendum iuxta regulam iuris in 6. Odia sunt restringenda, et fauores, ampliandi: Summus